

## **Beebī Haajirā Aur Ismaaeel<sup>(a.s)</sup>**

**Taurait : Khilqat 21:9-21**

Beebī Saarah ne Misrī beebeī Haajirā ke betē ko dekhā, jis ko usne Ibraaheem<sup>(a.s)</sup> ke liye paidā kiyā thā, <sup>(9)</sup> to Ibraaheem<sup>(a.s)</sup> se kahā, "Tum is naukraanī aur uske bacche ko yahaañ se dur bhej do taaki wo mere lađke kī jaaydaad me se hissā nā maañge." <sup>(10)</sup> Ibraaheem<sup>(a.s)</sup> ko ye baat bahut burī lagī kyunki wo bhī unkā betā thā. <sup>(11)</sup> Allaah taa'alā ne Ibraaheem<sup>(a.s)</sup> se kahā, "Tum apne betē aur naukraanī ke liye pareshaan mat ho, tum wahī karo jo Saarah tumse kah rahī hai. Ishaaq se hī tumhaarī pushteñ chaleñgi. <sup>(12)</sup> Aur jahaañ tak Ismaaeel naukraanī ke betē kī baat hai, maiñ us se bhī ek bađī qaum paidā karuñgā, kyunki wo tumhaarī aulaad hai." <sup>(13)</sup>

Ibraaheem<sup>(a.s)</sup> dusrī subah jaldī uñh gae aur beebeī Haajirā ko safar ke liye roñi, paanī, aur zarurī saamaan diyā aur bacchā un ke hawaale kar diyā. Wo wahaan se chalī gayeen aur beershebā ke registaan me bhañtakne lageen. <sup>(14)</sup> Jab unkā paanī khatm ho gayā to beebeī Haajirā ne apne betē ko ek jhaaqī me chupayā <sup>(15)</sup> aur kaaphī āge chalī gayī ki wo Ismaaeel<sup>(a.s)</sup> ko dekh naheeñ paayī. Wo bacche se dusrī taraf muñh kar ke baith gaeeñ aur rone lagī ki "Maiñ bacche ko aise martā naheeñ dekh saktī." Wo wahaan baith kar zor-zor se rone lageen. <sup>(16)</sup> Allaah taa'alā ne bacche kī fariyaad ko sunā aur phir farishte ne beebeī Haajirā ko Allaah taa'alā kā paigaam sunaayā aur kahā, "Tum kyuñ pareshaan ho? Tum daro naheeñ, maine bacche kī pukaar sun lī hai. <sup>(17)</sup> Jao aur bacche kā haath pakađ kar usko uñhaao. Maiñ us se ek bahut azeem kaum banaauñgā." <sup>(18)</sup>

Jab Allaah taa'alā ne uskī āñkheñ kholī to use saamne paanī kā ek kuañ dikhaaī diyā. Unhone peene ke liye paanī bharā aur bacche ko bhī pilaayā. <sup>(19)</sup> Allaah taa'alā kī nazar aur karam us bacche par thī. <sup>(20)</sup> Wo registaan me bas gayā aur ek teera'añdaaz banā. Wo log Paran naamak ek registaan me bas gae aur Ismaaeel<sup>(a.s)</sup> kī maañ beebeī Haajirā ne unkī shaadī ek Misrī lađkī se kar dī. <sup>(21)</sup>